



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 46. Paulus, & Pirrhus damnantur.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII *Quæstione agentem in Vestibulo Ma-*  
 A. C. 648. *gnæ Ecclesiæ hujus Urbis Cæsareæ af-*  
fixum removeri jussimus. Qui huic De-  
*creto adversari ausi fuerint, primo terri-*  
*bile Dei Judicium experientur, deinde*  
*nostram indignationem, & si Episcopi*  
*sint vel Clerici, deponantur. Monachi*  
*excommunicentur, & e sedibus suis eji-*  
*ciantur. In Dignitate aut Officio con-*  
*stituti illo priventur. Hominum pri-*  
*vatae sortis, & divitum Bona Fisco ad-*  
*dicantur. Pauperes in cute temerita-*  
*tem luant, & proscribantur. Hic est*  
*Constantis Typus.*

## §. XLVI.

*Paulus & Pirrhus damnantur.*

*Anast. in*  
*Theod. Conc.*  
*Lat. Secr. 2.*  
*p. 116.*  
*Theoph. an.*  
*20. Har. p.*  
*275.*

**T**heodorus Papa, cum jam satis con-  
 staret, Paulum Patriarcham nec Epi-  
 stolis suis, nec Legatorum suorum hor-  
 tatu ad Fidem Ecclesiæ Catholicæ redu-  
 ci posse, tandem Sententiam Depositi-  
 onis contra eum pronunciavit. Id factum  
 creditur in Synodo, & quidem in eadem,  
 in qua Pirrhum damnavit; quippe ille,  
 postquam Romæ errorem retractasset,  
 Ravennam delatus, ad vomitum rediit,  
 Hæresin Monothelitarum denuo profes-  
 sus. Credere pronum est, eum spe re-  
 recuperandæ Sedis Constantinopolitanæ  
 ab Exarcho fuisse deceptum; quamvis  
 etiam relapsus post brevissimum tem-  
 pus



pus suspicioni locum det, conversionem Sæculum VII  
 ejus sinceram non fuisse. Quod ubi A. C. 649.  
 Theodorus Papa comperit, convocatis  
 in S. Petri Ecclesiam Episcopis & Clericis, Depositionem Pirrhi cum Anathemate pronunciavit; imo, quod alias vix occurrit, calicem sibi afferri jussit, & pretiosum Sanguinem loco atramenti adhibens, Sententiæ subscripsit.

Pirrus in Orientem reversus est. *Conc. Lat. Secr. I. p. 91.*  
 At Paulus Patriarcha, ubi se ipsum fuisse depositum comperit, aram, quam Episcopus Romanus Constantinopoli in Oratorio Ædium Placidiaë habebat, evertit, & Legatis ejus, qui ibi versabantur, prohibuit, ne in eo loco S. Sacrificium celebrarent. Nec hic stetit furor; sed etiam Legatos, quosdam Episcopos, aliosque Catholicos persecutus est, quorum aliqui in carcerem inclusi, alii relegati, alii flagris concisi.

Theodorus Papa haud multo post tempore fati functus anno 649. 14. Maji, ad S. Petrum sepultus est, postquam Sedem annis sex, & mensibus sex tenuisset, Vir mitissimus, magna charitate, & in egentes largus. SS. Martyrum Primi & Feliciani corporibus ex illo, ubi erant, cœmeterio in S. Stephani Ecclesiam transferri jussis, eandem, atque etiam Ecclesiam S. Valentini, quam a fundamentis erexit, magnis donis cumulavit.  
 Orato-



Sæculum VII Oratorium quoque S. Silvestri in ædibus  
 A. C. 649. Lateranensibus, item aliud S. Martyris  
 Eupli seu potius Euplii extra portam S.  
 Pauli construxit, & utrumque multis  
 muneribus decoravit. Una Ordinatio-  
 ne mense Dec. creavit Presbyteros vi-  
 ginti & unum, Diaconos quatuor, & a-  
 liis temporibus Episcopos quadraginta  
 sex. Cum Sacra Sedes sex ferme Se-  
 ptimanis vacasset, electus est mense Ju-  
 lio Martinus antea Constantinopoli Le-  
 gatus. Is Tuderti seu *Todi* in Hetru-  
 ria natus Ecclesiæ Romanæ ultra annos  
 sex præfuit.

## §. XLVII.

*Concilium Lateranense. Sessio  
 prima.*

Quamprimum S. Martinus Pontifica-  
 tum suscepit, tam proprio zelo,  
 quam etiam S. Maximi, Romæ tunc ver-  
 fantis, hortatu excitatus Concilium in  
 Ecclesiam Salvatoris, quæ Constantinia-  
 na dicebatur, in Palatio Lateranensi  
 congregavit, quo Episcopi centum &  
 quinque, si & Papa adnumeretur, con-  
 venerunt, ex illa Italiæ parte, quæ Im-  
 peratori parebat, id est, illarum Civita-  
 tum, quæ Romanæ & Ravennatensi sub-  
 erant, ex Sicilia, Sardinia, & quidam ex  
 Africa. Nec in tanto Episcoporum nu-  
 mero vel unicum nomen Barbarum le-  
 gitur,

*Theoph. p.*  
*276. to. 6.*  
*Conc. p. 75.*

Martinus  
 Papa.